

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. उपराज्यपाल मनोज सिन्हा होर कुपवाड़ा च आतंकवाद प्रभावित परोआरें कन्नै मिले, उनें आखेआ कि जम्मू-कश्मीर दी रमानदारी ते विकास यात्रा च आतंकवाद प्रभावित कुसै बी परिवार गी अनदिक्खा नेही कीता जाहगा।
2. मुखमन्त्री उमर अब्दुल्ला होरें खाने सरबन्धी मैहकमे दी जायजा बैठक दी अध्यक्षता कीती, गैर कनूनी तौरा पर खनन खलाफ सख्त कार्रवाई पर जोर दिता।
3. शिक्षा मंत्री सकीना इत्तू होरें आखेआ ऐ जे सरकार जम्मू-कश्मीर दे लोके दी भलाई-बेहतरी ते खुशहाली लेई अनथक जत्त करै करदी ऐ।
4. भारती जनता पार्टी नै नगरौटा ते बडगाम विधानसभा सीटें लेई अपने मेदवारें दी घोशणा कीती।
5. औंदे त्यौहारें गी दिखदे होई जम्मू युनिवर्सिटी नै 20-22 ते 23 अक्तूबर गी होने आहले मतेयान अगड़े पाए।,

<><><><><><>

LG Terror Victims

उपराज्यपाल मनोज सिन्हा होरें कुपवाड़ा जिले दे ददपोरा इलाके दा दौरा लाया ते आतंकवाद करी प्रभावित परोआरें कन्नै मलाटी कीती। उनें अफसरें गी हिदायत कीती ते ओहू विशेष मुहिम तैहत परोआरें गी फौरी राहत पजान। सरकार दी न्यास ते मदद पजाने सरबन्धी बचनबद्धता गी दोहरांदे होई उपराज्यपाल होरें आखेआ जे 250 प्रभावित परोआरें गी नौकरियां दित्तियां गेइयां न ते होर दरखास्तां प्रक्रिया च न। उनें स्वयंसेवी संगठनें दी मदद कन्नै उनें घरे गी परतिए ठीक करने दी बी घोशणा कीती जिनेंगी बन्ने पारा थमां कीती गेदी गोलीबारी करी नुकसान पुज्जा हा। उनें पीड़ितें दी मदद ते जम्मू-कश्मीर गी शांतिपूर्ण ते आत्मनिर्भर बनाने दी सरकार दी बचनबद्धता गी फही दोहराया। उनें आखेआ

<><><><><><>

LG-Roashan Mustaqbil

उपराज्यपाल मनोज सिन्हा होरें अज्ज कुपवाड़ा दे जांगली स्थित युवा शक्तिकरण केंद्र “रौशन मुस्तकबिल” दा दौरा कीता। फौज दी बज्र डिविजन आसेआ चलाए जा’रदे इस केंद्र च मकामी नौजवानें गी शिक्षित कीता जंदा ऐ

ते उ'नेंगी हुनरमंद बनाइयै अपने जीवनयापन दे काबल बनाया जंदा ऐ। इस केंद्र च 690 कोला मते मिम्बर न जेहडे अपने लेई ते समाज गी योगदान देने लेई बेहतर भविष्य लेई तैयार होआ करदे न। एल.जी होरें आखेआ जे इस केंद्र नै बडे थोडे समें दे अंदर गै कई नौजवानें गी मुलखे दे बक्ख-बक्ख हिस्सें च कम्म-रोजगार हासल करने लेई तैयार कीता ऐ ते अज्ज ओहू इक मानै आहला जीन जिया करदे न। उनें आखेआ जे इस केंद्र नै आमदनबख्श स्टार्ट अप शुरू करने, महिलाएं दे डिजिटल समावेश ते राश्ट्री एकता गी मजबूती देने च महत्वै आहला योगदान दिता ऐ।

<><><><><><>

CM-Mining

मुख्यमंत्री उमर अब्दुल्ला होरें खाने सरबन्धी मैहकमे दी अज्ज इक जायजा बैठक लाई। बैठक दा मुख्य मकसद खाने सरबन्धी सरिस्ते गी तकनीक आधारित तौर तरीके ते दखल राएं होर मजबूत करना ऐ। इस दरान Integrated mining surveillance system ते जवाबदेही बारै मुख्य करी चर्चा होई। मुख्यमंत्री होरें गैर कनून खनन करने आहलें खिलाफ सख्त कार्रवाई दियां हिदायतां दित्तियां। मुख्यमंत्री होरें निगरानी बढ़ाने पर जोर पाया। उनें होर lithium lignite ते Sapphire दी लगातार खोज पर जोर पाया तां जे जम्मू-कश्मीर दी मिनिरल अर्थ बवस्था गी बढ़ावा थहोई सकै।

<><><><><><>

Itoo-Welfare

शिक्षा मंत्री सकीना इत्तू होरें आखेआ ऐ जे मुख्यमंत्री उमर अब्दुल्ला हुंदी अगुवाई आहली जम्मू-कश्मीर सरकार लोकें दिए आसें-मेदे गी पूरा करने लेई सख्त जत्त करै करदी ऐ ते सरकार दी कारकरदगी दा आंकलन करने लेई छड़ी इक बरे दी अवधि बड़ी घट्ट ऐ। सकीना होरें एहू गल्ल श्रीनगर दे एम.ए रोड स्थित सरकारी महिला कालेज 75 ब'रे दी बेहतरीन कारकरदगी गी मनाने लेई आयोजित इक कार्यक्रम च शिरकत करने मगरा पत्रकारें कन्नै गल्लबात करदे होई आक्खी। उनें आखेआ जे स्थाढी सरकार जम्मू-कश्मीर दे लोकें दी भलाई बेहतरी लेई कम्म करने दे अपने जत्त बरोबर जारी रक्खोग। मीडिया आसेआ पुच्छे गेदे इक सोआलै दे परते च सकीना इत्तू होरें आखेआ

<><><><><><>

APJ-Tributes

उपराज्यपाल मनोज सिन्हा होरें साबका राश्ट्रपति डॉ. ए.पी.जे अब्दुल कलाम होरें'गी उंदी जयंती पर भावें-भरोची श्रद्धांजलि भेंट कीती। उनें कलाम होरें'गी सादगी, सत्यनिष्ठा ते बुद्धिमता दा प्रतीक दस्सेआ। उनें आखेआ जे कलाम हुंदा जीवन भारत गी आत्मनिर्भर ते मजबूत बनाने लेई समर्पित हा। मुख्यमंत्री उमर अब्दुल्ला होरें बी डॉ. कलाम होरें'गी उंदी जयंती पर चेत्ता कीता ते उ'नेंगी दूरदर्शी, शालीन व्यक्ति आखेआ। उमर होरें आखेआ जे ओहू लोकें दे राश्ट्रपति हे ते उंदा एहू व्यक्तित्व औने आहली पीढ़िं गी प्रेरित करोग।

<><><><><><>

ते हुन बाकि दिएं खबरें कन्नै जगमोहन शर्मा।

BJP-Candidate

भारती जनता पार्टी नै नगरोटा-77 ते बडगाम-27 विधानसभा हल्के लेई 11 नवंबर गी होने आहले उप-चुनाएं आस्तै अपने मेदवारें दे नाएं दी घोशणा करी दित्ती ऐ। बीजेपी नै नगरोटा विधानसभा हल्के थमां देवयानी राणा गी मेदवार नियुक्त कीता ऐ। एहू सीट इस सीट थमां बीजेपी दे विधायक देवेंद्र सिंह राणा हुं'दा काल होई जाने करी खाली होई गेई ही। पार्टी नै बडगाम विधानसभा हल्के थमां अगा सईद होरें'गी अपना मेदवार बनाया ऐ। एहू सीट मुख्मन्त्री उमर अब्दुल्ला हुंदे आसेआ छोडे जाने मगरा खाली होई गेई ही। उमर होरें दो विधानसभा हल्के थमां चुनांऽ लड़ेआ हा। उनें गांदरबल विधानसभा हल्के आहली सीट गी बरकरार रक्खेआ हा। मीडिया कर्मिण कन्नै गल्ल करदे होई देवायनी राणा होरें आखेआ

<><><><><><>

CS-Internet

मुख्म सचिव अटल डुल्लू होरें जम्मू-कश्मीर दे घट्ट कनेक्टिविटी इलाके च मोबाइल ते इंटरनेट दी सुविधा च बेहतरी आहनने लेई जारी कम्में दी प्रगति ते रफ्तार दा जायजा लैने लेई अज्ज इक बैठक सद्दी। उनें अधिकारिण गी निर्देश दित्ता जे इत्त सरबन्धी प्रोजेक्टें दे कम्में ते रफ्तार पर नेड़मी तक्क रक्खन ते सभने थाहरें सेवाएं गी लाजमी तौरा पर उपलब्ध कराने सरबन्धी कोष USOF तैहत इनें कम्में गी तौले शा तौले तोढ चाढना यकीनी बनाया जा। डिजिटल समावेशन दे महत्वै पर जोर दिंदे होई डुल्लू होरें केंद्र शासित प्रदेश दे हर इक इलाके तोड़ी इंटरनेट ते मोबाइल नेटवर्क लाजमी तौरा पर उपलब्ध कराने लेई सारें मैहकमें गी आपूं च नेड़मा तालमेल बनाइयै कम्म करने लेई आखेआ। उनें आखेआ जे हर थाहरै पर फोर-जी सेवा उपलब्ध होने कन्नै डिजिटल बित्थ जित्थै कुदरै बी ऐ, उसी पूरेया जाई सकदा ऐ।

<><><><><><>

JU-Exams

जम्मू युनिवर्सिटी नै 20-22 ते 23 अक्तूबर 2025 गी होने आहले सारे सरबन्धी म्तेहानें गी औंदे त्यौहारें दे मद्देनजर अगड़ा पाई दित्ता ऐ। इस बारै च म्तेयानें सरबन्धी जायंट रजिस्ट्रार डॉ. राज कुमार हुंदे आसेआ इक इत्तलाहू जारी कीती गेई। म्तेयानें बारै ताजा तरीकें दी घोशणा मगरा कीती जाग। विद्यार्थिण गी हिदायत कीती गेई ऐ जे ओहू इस बारै च यूनिवर्सिटी दी वेबसाइट दिखदे रौहन।

<><><><><><>

GST-Diwali

हुन जिसलै “देयाली” दा ध्यार बस औने गै आहला ऐ ते नेह च सरकार आसेया हाल च गै इलैक्ट्रानिक समेयान पर जी.एस.टी दी दर गी 28 फीसद शा घटाइयै 18 फीसद कीते जाने कन्नै- इस ध्यारी रुतै दरान गाहकें लेई घरै दा इलैक्ट्रानिक समेयान ते उपकरण वगैरा बड़े सस्ते होई गे ना। मेद ऐ जे टैक्स च कीती गेदी इस कटौती कन्नै इस ध्यारी रुतै दरान चीजें-बस्तें दी बिक्री च बाद्दा होग ते गाहकें दा बी दिल बधोग जे ओह किफायती दरें उप्पर इलैक्ट्रानिक्स दा समेयान खरीदी सकन। दकानदारें बी हीखी लाई दी ऐ जे टैक्स दी दर च कीती गेदी कटौती करी इस ध्यारी रुतै दे दौरान चीजें-बस्तें दी मंग च बाद्दा होग- जिसलै के खरीददार बी टैक्स च कटौती दे सरकार दे फैसले दा बड़ा मता सुआगत करा रदे ना।

<><><><><><>

Udh-Diwali

मुलखै दे बाकी हिस्से आहला लेखा जम्मू-कश्मीर च बी जित्थै इक बक्ख देआली दियां तैयारियां जोरें-शोरें जारी न उत्थे गै इस ध्यार गी कुदरत दे अनुकूल मनाने लेई बी कई कोशशां कीतियां जा’रदियां ना। इस्से चाल्ली दी इक पैहल उधमपुर जिले च गवें दे गोए कन्नै दीए बनाने गी लेइयै रफ्तार फगड़दी जा करदी ऐ। इस कम्मै च शामिल महिला नां छड़ज पर्यावरण दे महत्व पर ओहदे अनुकूल जीवन जीने लेई प्रेरित करै करदियां न, सगुआं एहदे आत्मनिर्भरता दी बी इक शानदार मसाल पेश करै करदियां ना। लोकें च इनें दीएं दी लोकप्रियता बधदी जा करदी ऐ ते लोकें अंदर बी कुदरत दे अनुकूल ते प्रदूषण रहत देआली मनाने दी भावना मजबूत होंदी जा’रदी ऐ। इस चाल्ली दे जत्त आत्मनिर्भर भारत दे जज्वे गी बी मजबूती दिंदे ना। आकाशवाणी कन्नै गल्ल करदे होई इक मकामी महिला नै आखेआ

<><><><><><>

Poshan-Maah

लोकें गी सत्तदार खुराक दे महत्व बारै जागरूक बनाने दे मकसद कन्नै मुलख भरै च चलायी जा’रदी म्हीने भरै दी पोषण माहू आहली राश्ट्री पैहल हुन अपने समापन बक्खी बधा करदी ऐ। इस बरै पोषण माहू दे दरान लोकें गी मोटापे दा मुकाबला करने ते अपनी खुराक च खंड, लून ते तेल दी मात्रा घट्ट करने बारै जागरूक बनाया जा’रदा ऐ। इस अभियान दे दरान केई कार्यक्रमें दा सरिस्ता कीता गेआ ऐ जिं’दे च स्तनपान दे महत्व, स्वस्थ बालक स्पर्धा ते स्हेई खान-पान सरबन्धी आदतां विकसित करने सरबन्धी कार्यक्रम शामिल हे। जंदी 17 सितम्बर थमां मनाए जा’रदे पोषण माहू दा मकसद, पोषण बारै जागरूकता पैदा करना, लोकें अंदर बवहारिक बदलाव आहनना ते सेहतमंद जीवन शैली दे राहें सेहतमंद मुलख दा निर्माण करना ऐ।

<><><><><><>